

陳年集

後學三水黃恩榮幹南編述

學生 廣東南醫科大學學士 廣州中醫藥學院專門畢業 陳景山 覆校

卒死第一

覺中惡 醉酒附 喘

蛇毒第二

虎蝮水毒 蜂蠅咬 射工沙虱 貓鬼馬咬 獾狗毒附

被打第三

從高墜下 竹木刺 著漆附

火瘡第四

灸瘡 金瘡 折針入肉

卒死第一

方九十四首 灸法十首

卒死方三首

舐方

卒死無脉無他形候陰陽俱竭故也治之

牽牛臨鼻上二百息牛舐必瘥牛不肯舐著鹽汁塗面上即牛肯舐

飲方

牛馬矢絞取汁飲之無新者水和乾者亦得

肘後方云乾者以人溺解之此扁鵲法

熨方

灸熨斗熨兩脇

備急方云又治尸厥

針灸法

卒死針間使各百餘息

又灸鼻下人中一名鬼客廳

肘後方云又治尸厥

人有三虛

巢源乘年之衰逢月之虛失時之和謂之三虛

賊風相感或挾鬼神之氣卒死陰陽俱竭

巢源陰氣偏竭

于內陽氣阻隔于外

二氣壅閉暴絕如死牛為土畜萬物歸于土牛舐鼓動生氣入陰出陽自

蘇若猶未活牛馬矢汁泄濁開邪或熨或針或灸陰陽氣通而卒死自愈

魘附方五首

方治魘死不自覺者

慎燈火勿令人手動牽牛臨其上即覺若卒不能語取東門上雞頭末之以

酒服

灌鼻耳方治卒魘死

搗韭汁灌鼻孔中劇者灌兩耳

張仲景云灌口中

吹鼻方治鬼魘不悟

末伏龍肝吹鼻中

吹鼻方末皂莢如大豆許吹鼻中嚏則氣通起死人

集驗方云治中惡

繫腋方辟魘

雄黃如棗大繫左腋下令人終身不魔張文仲云男左女右

人有三虛魂魄外遊強被鬼邪之氣魔屈久不得悟乃至氣暴絕慎燈火勿令人手

動巢源忌火照火照則神魂不復入人有燈光前魔者本由明出不忌火如上法牽牛臨其上或聽之以接生氣即

覺若猶不語取東門上雞頭酒服以開其頭腦自蘇韭汁皂莢伏龍肝或灌或吹陰

陽氣通而卒魔亦愈雄黃繫法辟邪殺鬼終身不魔以防患于未然

灸法

魔灸兩足大指叢毛中各二七壯肘後方云華佗法又救卒死中惡

中惡附方十五首

刺鼻方 治中惡

葱心黃刺鼻孔中血出愈肘後方云入七八寸無苦使目

尿面方

使人尿其面上愈肘後方云此扁鵲法

吐方 治中惡并蠱毒

冷水和伏龍肝如雞子大服之必吐

方 治中惡

大豆二七粒末。雞子黃并酒相和。頓服。

方 治中惡并蠱毒。

車軋脂如雞子大。酒服之。

又方

溫二升猪脂頓服之。

人有三虛客邪暴盛。致為鬼毒之氣。卒中。心腹絞痛。陰陽離絕。上下不通。氣暴厥如死。葱心黃刺鼻孔。深入。血出最捷。尿其面亦甦。若猶不活。冷水和伏龍肝得吐。則上下通。其氣復。大豆解毒。和雞子黃。及軋脂猪脂。皆取滑。可去著之。義亦妙法也。

灸法

中惡。灸胃脘五十壯愈。

吐方

治卒忤。

此病即今人所謂中惡者。與卒死鬼擊亦相類。為治皆參取而用之。

鹽八合。以水三升。煮取一升半。分二服。得吐即愈。備急方云。治鬼擊。頭七枚燒作灰末。水和服之。即通。

方 書墨末之。水服一錢匕。

方 犢子尿半盞。酒三升。煮服之。亦治霍亂。肘後方云。治鬼擊。大半亦可。

方 臘月野狐腸燒末。以水服方寸匕。之。亦可。

鹽湯取吐。猶是前伏龍肝法。若小便不通。筆頭燒灰。更取銳利之義。使邪有出路。若猶未活。書墨。辛溫以泄濁。犢屎。苦寒以開邪。狐腸鼠屎。甘溫以辟惡。方下雖不言吐。而實無一之非吐。以吐為逐邪最捷之法。

### 灸法

卒忤死。灸手十指爪下。各三壯。餘治同上方。而備急方云治卒死而張目反折者。

又灸人中。三壯。又灸肩井。百壯。又灸間使。七壯。又灸巨闕。百壯。

還魂湯。主卒感忤。鬼擊飛尸。諸奄忽氣絕。無復覺。或已死。咬口噤不開。去齒

下湯。湯入口不下者。分病人髮左右。捉踏肩引之。藥下復增。取盡一升。須臾

立蘇。

麻黃 三兩 桂心 二兩 甘草 一兩 杏仁 七十粒

右四味。㕮咀。以水八升。煮取三升。分三服。肘後方云張仲景方無桂心用三味

方 鬼擊之病。得之無漸。卒著人如刀刺狀。胸脇腹內。絞急切痛。不可抑按。或

即吐血。或鼻口血出。或下血。一名鬼排。治之。

雞屎白 如棗大 青花麻 一把

右二味。以酒七升。煮取三升。熱服。須臾發汗。若不汗。熨斗盛火。灸兩脇下使

熱汗出愈。

方 卒中鬼擊。及双兵所傷。血漏腹中。不出。煩滿。欲絕。

雄黃粉。酒服一刀圭。日三。血化為水。

方 艾如雞子大三枚。以水五升。煮取一升。頓服之。

吹鼻方

吹醋少許鼻中。

人有三虛。精魂衰微。卒為鬼厲之氣所擊。胸脇腹絞痛急切。不可抑按。吐血或鼻血下血。諸奄忽氣絕如死。前用吐法。茲用汗法。還魂湯。麻黃桂心杏仁通陽甘草扶正氣。復陽氣通。發汗而鬼厲自伏。次方青花麻一作青麻花治風麻花又名麻勃治一百種惡風。逐諸風惡血。雞屎白去惡。酒煮發汗。而鬼厲亦伏。若血漏不出。煩滿。亟與治血。雄黃化血。艾葉溫血。不必發汗。而鬼厲亦伏。五方醋吹鼻中。酸收之義。亦瀉。亦通。為鬼擊吐衄。外治之捷法。

灸法

鬼擊。灸人中一壯。立愈。不瘥更灸。

又灸臍上一寸七壯。及兩踵白肉際。取瘥。又灸臍下一寸三壯。

幹南按。卒死。卒魔中惡。客忤鬼擊。皆人精神衰。弱。鬼邪之氣所為。當時救療。除

氣停滯心腹刺痛久後發作則變為注氣注生注涼注酒注食注水注尸注亦其類也

自縊附方十一首

夫五絕者。一曰自縊。二曰牆壁壓。三曰溺水。四曰魔寐。五曰產乳絕。悉治之。

吹鼻方

取半夏一兩。細下篩。吹一大豆許。納鼻中。即活。心下溫者。一日可治。

又擣皂莢。細辛屑。如胡豆大。吹兩鼻中。

又葱葉吹皂莢末兩鼻中。逆出更吹。

吹耳方

凡救自縊死者。極須按定其心。勿截繩。徐徐抱解之。心下尚溫者。以麝鼈覆

口鼻。兩人吹其兩耳。

吹耳鼻方

梁上塵。如大豆。各納一小竹筒中。四人各捉一箇。同時吹兩耳。兩鼻即活。

吹口方

強臥。以物塞兩耳。竹筒納口中。使兩人痛吹之。塞口傍無令氣得出。半日死。

人即噫噫即勿吹也。

灌口方

藍青汁灌之。

灌口鼻方

雞屎白。如棗大。酒半盞。和灌口及鼻中佳。

滴口方

刺雞冠血出。滴著口中即活。男雌女雄。

塗喉方

雞血塗喉中。

捉髮方

尿鼻口眼耳中。并捉頭髮一撮如筆管大掣之立活。

灸法

自縊死矣。四肢大節。陷大指本文。名曰地神。各七壯。

人有不得志意。自縊求死。陰陽經絡。雖暴壅閉。而臟腑真氣。原未有盡。故猶可救療。若見其懸挂。便遽截斷其繩。舊云則不可救。此言氣已壅閉。繩忽暴斷。其氣雖通。而奔近運悶。不能復還。即不得生。半夏皂莢細辛利竅。藍青汁雞屎白雞冠血雞血。碎。

噎附方十首

壅心方 治熱噎。

取道上熱塵土。以壅心上。少冷即易。氣通止。

壅臍方

仰卧。喝人以熱土壅臍上。令人尿之。臍中溫即愈。

熨心方

屋上南畔瓦熱熨心。冷易之。

又抱狗子。若雞。著心上熨之。

噓心方

使人噓其心。令暖。易人為之。

飲暖方

張死人口。令通。以暖湯徐徐灌口中。小舉死人頭。令湯入腹。須臾即蘇。

飲熱方

可飲熱湯。亦可納少乾薑橘皮甘草煮飲之。稍稍咽。勿頓使飽。但以熱土及

熬灰土壅臍上佳。

又方 濃煮蓼取汁三升飲之即愈不瘥更灌

又方 地黃汁一盞服之

又方 灌地漿一盞即愈

又方 水半升和麴一大抄服之

人當盛暑觸冒大熱客邪熾盛或鬱瘀不宣陰氣卒絕陽氣暴壅經絡不通奄然悶絕謂之暈夫熱暈不可得冷得冷便死以熱毒蘊積不得宣發故也熱土熱瓦煖湯熱湯或熨或噓回陽之法地黃地漿救陰之法水半和麴調中之法方下雖不言煖熱與否然可斷其必非冷飲也

### 溺附方八首

出水方 治落水死

以竈中灰布地令厚五寸以甌側著灰上令死人伏于甌上使頭小垂下炒鹽二分寸匕納竹管中吹下孔中即當吐水水下因去甌下死人著灰中壅身使出鼻口即活

又方

取大甌傾之死人伏其上令死人口臨甌口然葦火二七把燒甌中當死人

心下令煖。出小入死。人鼻口中鼻中水出盡。則活。人盡復益之。常以手側  
死人身及甕。勿令甚熱。當令火氣能使死人心下足得煖。卒無甕者。于岸側  
削地如甕。空下如甕。燒令煖。以死人著上。亦可用車轂為之。勿令隱其腹。令  
死人低頭水得出。并炒灰數斛。令煖。以粉身。濕更易溫者。

又方

掘地作坑。熬數斛灰。納坑中。下死人覆灰。濕徹即易之。勿令大熱。燂人灰冷  
更易。半日即活。

又方

但埋死人煖灰中。頭足俱沒。惟開七孔。

又方

竈中灰二石。埋死人。從頭至足。出七孔即可。

又方

熬沙覆死人面。上下有沙。但出鼻口耳。沙冷濕即易。

又方

裹石灰。納下部中。水出盡則活。

又綿裹皂莢。納下部中。須更水出。

又方

倒懸死人。以好酒灌鼻中。又灌下部。又酢灌鼻亦得。

又屈兩腳。著生人兩肩上。死人背向生人背。即負持走。行吐出水便活。

灸法

落水死。解死人衣。灸臍中。凡落水經一宿。猶可活。

人為水所沒溺。水從孔竅入。灌肺腑。其氣壅閉。故死。若早拯救。泄滌其水。令氣血得通。便得活。諸方鼓動血氣。以火氣暖水氣。全用手術施救。足起死人。

凍附方三首

薄心方 治冬月落水凍。四肢直。口噤。尚有微氣者。

以大器中。熬灰使煖。盛以囊。薄其心上。冷即易。心煖氣通。目得轉。口乃開。可溫尿粥。稍稍吞之。即活。若不先溫其心。便持火炙身。冷氣與火爭。即死。

薄手足方 治入水手足腫痛。

生胡麻搗薄之。

傅瘡方 治凍爛瘡。

猪後懸蹄。以夜半時燒之。研細篩。以猪脂和傅。亦治小兒。

落水凍死與落水溺死不同而同四肢直口噤尚有微氣先與煖灰溫心續與屑  
溫胃心煖氣通目轉口開即活若但手足腫痛或瘡凍爛生胡麻消腫痛猪懸蹄排  
膿血猶是尋常瘡癰治法

醉酒附方十一首

方治酒醉中酒惡爛五臟

搗茱萸汁飲一二升

漬法

以湯著槽中漬之冷復易夏亦用湯

又法

凡醉不得安卧不動必須使人搖轉不住特忌當風席地及水洗飲水交接  
茱萸即茅根交春透發能引陽氣達于四肢養血清火解酒毒最宜槽中謂酒湯漬  
良以其屬搖轉不住亦使酒氣流行達於四肢不致停于五臟留毒不散耳

方治病酒

豉葱白各一

右二味以水四升煮取二升頓服之

葱白。通竅散鬱。香豉化食調中。病酒發熱煩悶。頭痛嘔逆。非此不除。

方 治酒醉不醒。

葛根汁一斗二升。飲之。取醒止。肘後方云。治大醉連日煩毒不堪。

方 飲酒令人不醉。

葛花 小豆花 各等分

右二味合為末。服三方寸匕。飲時仍進葛根汁。芹汁及枇杷葉飲。并能倍酒。

又方

小豆花葉。陰乾百日。末飲之。

又方

九月九日。菊花末。臨飲服方寸匕。

又方

五月五日。取井中倒生草枝。陰乾末。酒服之。

又方

柏子仁 麻子仁 各二兩

右二味。治下篩。為一服。進酒三倍。

葛根。葛花。豆蔻。鮮酒。毒菊。花散。風利。頭目。倒生。草臨井。滌腸胃。上下分解。最妙。柏仁。益氣。安五臟。麻仁。潤肺。滑大腸。不惟滋血。并能倍酒。蔓青根。鮮酒。氣酒。後水服。則飲如不飲矣。

飲酒頭痛

方 治飲酒頭痛。

竹茹五兩。以水八升。煮取五升。去滓令冷。納破雞子五枚。攪勻。更煮二沸。飲二升。使盡瘥。

飲酒腹滿

灌大孔方 治飲酒腹滿不消。

煮鹽湯。以竹筒灌大孔中。

飲酒心虛

方 治飲酒房勞。虛受熱。積日不食。四月中熱。飲酒不已。酒入百脉。心氣虛。令

人錯謬失常。

芍藥

枯樓根

人參

白薇

枳實

知母

各二兩

甘草

一兩

生地黃

八兩

酸棗仁

半斤

茯神

三兩  
外臺作茯苓

右十味。以水一斗。煮取三升。分為三服。

# 飲酒喉爛

方 治連月飲酒。咽喉爛。舌上生瘡。

大麻仁 一升

黃芩

一兩。肘後用黃藥。

右二味末之。蜜和丸含之。千金翼用黃藥二兩。

飲酒頭痛。痰火上升。非竹茹不降。腹滿不消。濕熱內壅。非鹽湯不泄。妙灌大孔。潤下從無取。吐傷胃之虞。房勞虛熱。錯謬失常。白薇。本經。治風熱。忽不知狂感。散風熱。枳實。開積熱。生地芍藥。清虛熱。栝樓知母。降胃熱。合酸棗。茯神益智。人參甘草補勞。心虛不足之酒毒解。咽喉爛。舌生瘡。麻仁潤燥。黃芩瀉火。即心熱有餘之酒毒。亦無不解矣。

飲酒中毒 方二首

方 治飲酒中毒。

煮大豆三沸。飲汁三升。

又方

酒漬乾椹汁服之。

大豆桑椹均解酒毒。